

ЕРЕВАНСКИЙ ГОСУДАРСТВЕННЫЙ УНИВЕРСИТЕТ
YEREVAN STATE UNIVERSITY

СТУДЕНЧЕСКОЕ НАУЧНОЕ ОБЩЕСТВО
STUDENT SCIENTIFIC SOCIETY

ISSN 1829-4367

СБОРНИК НАУЧНЫХ СТАТЕЙ СНО ЕГУ

*МАТЕРИАЛЫ ЮБИЛЕЙНОЙ НАУЧНОЙ СЕССИИ,
ПОСВЯЩЕННОЙ 95-ЛЕТИЮ ОСНОВАНИЯ ЕГУ*

COLLECTION OF SCIENTIFIC ARTICLES OF YSU SSS

*MATERIALS OF THE SCIENTIFIC SESSION
DEDICATED TO THE 95TH ANNIVERSARY OF YSU*

1.7 (10)

Общественные науки - Social sciences

*(Социология, экономика, философия, психология, журналистика)
(Sociology, Economics, Philosophy, Psychology, Journalism)*

ЕРЕВАН - YEREVAN

ИЗДАТЕЛЬСТВО ЕГУ - YSU PRESS

2015

ԵՊՀ ՈՒԳԸ ԳԻՏԱԿԱՆ ՀՈԴՎԱԾՆԵՐԻ ԺՈՂՈՎԱԾՈՒ

**ԵՊՀ ՀԻՄՆԱԴՐՄԱՆ 95-ԱՄՅԱԿԻՆ ՆՎԻՐՎԱԾ
ՀՈԲԵԼՅԱՆԱԿԱՆ ԳԻՏԱԿԱՆ ՆՍՏԱՇՐՋԱՆԻ ՆՅՈՒԹԵՐ**

1.7 (10)

***Հասարակական գիտություններ
(Սոցիոլոգիա, տնտեսագիտություն, փիլիսոփայություն,
հոգեբանություն, ժուռնալիստիկա)***

Հրատարակվում է
ԵՊՀ գիտական խորհրդի որոշմամբ
Издаётся по решению Ученого совета ЕГУ
Published by the resolution of the Academic Council of YSU

Խմբագրական խորհուրդ՝

փ. գ. դ., պրոֆ. Ա. Սկրտիչյան
տ. գ. դ., պրոֆ. Մ. Միքայելյան
տ. գ. դ., պրոֆ. Ս. Դանթարջյան
տ. գ. դ., պրոֆ. Թ. Թորոսյան
տ. գ. դ., պրոֆ. Ա. Առաքելյան
փ. գ. դ., պրոֆ. Է. Հարությունյան
փ. գ. դ., պրոֆ. Ս. Չաքարյան
հ. գ. դ., պրոֆ. Հ. Ավանեսյան

բ. գ. դ., պրոֆ. Դ. Պետրոսյան
բ. գ. դ., պրոֆ. Մ. Հովսեփյան
տ. գ. դ., դոց. Հ. Մնացականյան
ս. գ. թ., դոց. Ն. Մելքոնյան
փ. գ. թ., դոց. Ա. Խաչատրյան
փ. գ. թ., դոց. Հ. Հովհաննիսյան
հ. գ. թ., դոց. Վ. Միքայելյան
հ. գ. թ., դոց. Ն. Խաչատրյան

Редакционная коллегия:

ժ. ֆ. ն., պրոֆ. Ա. Մկրտիչյան
ժ. է. ն., պրոֆ. Մ. Միքայելյան
ժ. է. ն., պրոֆ. Ս. Գանտարջյան
ժ. է. ն., պրոֆ. Թ. Թորոսյան
ժ. Կ. ն., պրոֆ. Ա. Արակելյան
ժ. ֆ. ն., պրոֆ. Յ. Արությունյան
ժ. ֆ. ն., պրոֆ. Ս. Հակարյան
ժ. Կ. ն., պրոֆ. Գ. Ավանեսյան

ժ. ֆ. ն., պրոֆ. Դ. Պետրոսյան
ժ. ֆ. ն., պրոֆ. Մ. Օվսեպյան
ժ. է. ն., ժոց. Ա. Մնացականյան
Կ. Ս. ն., ժոց. Ն. Մելկոնյան
Կ. ֆ. ն., ժոց. Ա. Խաչատրյան
Կ. ֆ. ն., ժոց. Օ. Օվաննիսյան
Կ. Կ. ն., ժոց. Վ. Միքայելյան
Կ. Կ. ն., ժոց. Ն. Խաչատրյան

Editorial Board

DSc, prof. A. Mkrtichyan
DSc, prof. M. Mikayelyan
DSc, prof. S. Ghantarjyan
DSc, prof. T. Torosyan
DSc, prof. A. Arakelyan
DSc, prof. E. Harutyunyan
DSc, prof. S. Zakaryan
DSc, prof. H. Avanesyan

DSc, prof. D. Petrosyan
DSc, prof. M. Hovsepyan
DSc, associate prof. H. Mnatsakanyan
PhD, associate prof. N. Melkonyan
PhD, associate prof. A. Khachatryan
PhD, associate prof. H. Hovhannisyanyan
PhD, associate prof. V. Mikayelyan
PhD, associate prof. N. Khachatryan

Հրատ. պատասխանատու խմբագիր՝ **Ս. Սալխայան**

Հրատարակիչ՝ ԵՊՀ հրատարակչություն
Հասցե՝ ՀՀ, ք. Երևան, Ալ. Մանուկյան 1, (+374 10) 55-55-70, publishing@ysu.am
Հրատարակչության նախապատրաստող ստորաբաժանում՝ ԵՊՀ ուսանողական
գիտական ընկերություն
Հասցե՝ ք. Երևան, Ա. Մանուկյան 1, (+37460) 71-01-94, ssspub@ysu.am, sss@ysu.am
ԵՊՀ ՈՒԳԸ հրատարակումների կայք՝ ssspub.y-su.am

Դավիթ Թորոսյան
ԵՊՀ, Փիլիսոփայության և հոգեբանության
ֆակուլտետ, բակալավրիատի ուսանող
Գիտ. դեկավար՝ փ.գ.թ., դոց. Ա. Սարգսյան
Էլ. փոստ՝ davidtorosyan30@gmail.com

ՀԱՅԱՏՅԱՑՈՒԹՅՈՒՆԸ ԱՂՐԲԵՋԱՆՈՒՄ

*Ինձ ասա, թե ինչ տրամադրություններ են
գերակշռում երեխաների մտքում, և ես քեզ
կասեմ հաջորդ սերնդի բնավորության մասին:*

Է. Բերկ

Հայկական երկու նորանկախ պետությունների և ողջ հայ ժողովրդի օրակարգային խնդիրներից մեկն առաջին իսկ օրից եղել է սեփական ինքնության արժևորումը, պահպանումն ու զարգացումը, որի դեմ ուղղված է ադրբեջանական քաղաքական ողջ մեքենան՝ սկսած ամենացածրաստիճան պաշտոնյայից մինչև նախագահ: Ավելի քան երկու տասնամյակ առաջ մեկնարկած հակաքարոզչությունը նոր թափ է ստացել՝ պայմանավորված նորագույն տեխնոլոգիաների առաջընթացով: Բայց առավել կարևոր է, որ մենք կենտրոնանանք ոչ թե լոկ դիպվածների, այլ՝ երևույթի վրա ամբողջովին: Ինչպես գիտենք, հայատյացության, ազրեսիայի սերմանման, պատմական ու մշակութային արժեքների կեղծման ու յուրացման և մի շարք այլ նենգ նպատակների իրագործմանը միտված քաղաքականությունը նորույթ չէ: արմատները շատ խորն են և զգված են վաղուց: Նման քաղաքականության մասին բազմիցս նշել և շարունակում է իր «խոսքից հետ չկանգնել» Ադրբեջանի նախագահ Իլիամ Ալիևը, նրա նպատակը եղել և մնում է Ադրբեջանի «պատմական հողերի և տարածքների» վերականգնումը¹, որին հասնելու համար Ադրբեջանի օգտագործած բազում «կեղտոտ մեթոդներից» են հայատյացության սերմանումը Ադրբեջանում և այլոց պատմությունը յուրացնելու միջոցով սեփական պատմության ստեղծումը: Այս քաղաքականության անբաժան մասն է նաև հայատյացության սերմանումը, որի առավել քան ցայտուն դրսևորումներից մեկն էլ Ի. Ալիևի՝ վերջերս արած հայտարարությունն է, որում նշվում է. «Երիտասարդությունը, երեխաները պետք է ապրեն մեր պատմական հողերի վերադարձի գաղափարով՝ ներառյալ Հայաստանը»²:

Ադրբեջանի վարած քաղաքականության նպատակային հիմքերն առավել դիպուկ ներկայացնում է Ա. Սարգսյանը. «Ադրբեջանում նկատվող բազմաբովանդակ կեղծարարությունները նպատակ ունեն խարխիլել արցախահայության ինքնորոշման պատմաիրավական ու քաղաքական հիմքերը, ձևավորել Արցախի հանդեպ պահանջատիրոջ ինքնություն ունեցող ադրբեջանցի, ինչպես նաև շիկացնել հակահայկականության մթնոլորտը»³:

Այլատյացության սերմանման առավել տարածված և լայնամասշտաբ հարթակներ են գրականությունը, դպրոցական դասագրքերը, ՉԼՄ-ները և այլն: «Ինձ ասա,-

¹ Հատված հունվարի 22-ին Գյանջայում (Գանձակ) Ալիևի ելույթից: Առավել մանրամասն տե՛ս՝ <http://www.ilur.am/news/view/23823.html>:

² Տե՛ս նույն տեղում:

³ Տե՛ս **Սարգսյան Ա.**, Հայատյացությունը Ադրբեջանում. ռեսեսիտմենտի և ավտորիտարիզմի խաչմերուկում, Երևան, 2013, էջ 13:

գրում է Բերկը,- թե ինչ տրամադրություններ են գերակշռում երեխաների մտքում, և ես թեզ կասեմ հաջորդ սերնդի բնավորության մասին»¹: Այստեղից էլ պարզ է դառնում, թե իրականում ինչ նպատակ են հետապնդում ատելություն և բռնություն սերմանող ադրբեջանական դպրոցական դասագրքերը: Միաժամանակ պետք է ընդգծել ադրբեջանական «խավիարային և նավթադոլարային քաղաքականության» գործոնը, որի շնորհիվ եվրոպական մի շարք բարձր ամբիոններից խեղաթյուրվում են առաջնագծում տեղի ունեցող իրադարձությունները, Ադրբեջանում և Հայաստանում տիրող իրավիճակին տրվում են, մեղմ ասած, կողմնակալ գնահատականներ: Բայց պետք է արձանագրել մի քանի փաստ ևս.

- Ադրբեջանական ռեսուրսներն անսահմանափակ չեն, և, ի վերջո, սպառվելու են նավթադոլարները², որոնց հաշվին ստեղծվում է Ադրբեջանի «գրասենյակային հիմքեր» ունեցող պատմությունը:
- Հայաստանը հակաբարոզչական ներկա պայթարում գիջում է Ադրբեջանին, և միանշանակ, մեր ռեսուրսներն այս ոլորտում, չնայած հարցի օրակարգային բնույթին, սահմանափակ են:
- Մենք առավելություն ունենք միայն այնքանով, որ փորձում ենք պաշտպանել մեր սեփականը, իսկ Ադրբեջանը փորձում է խմբագրել պատմությունը և հետին տարեթվով պատմություն կերտել:

Հետագա շարադրանքում իմաստային կամ ձևակերպման թյուրիմացություններից խուսափելու համար հարկ է նշել, որ սխալ է օգտագործել «ադրբեջանցի» բառը, քանի որ նման ազգ պարզապես գոյություն չունի, այլ գոյություն ունի մի տարածք, որ կոչվում է Ադրբեջան, իսկ այնտեղ ապրողներին կարող ենք անվանել ադրբեջանաբնակներ: Այս հարցի առնչությամբ պարզաբանումներ է կատարել նաև Ա. Մանասյանը, ով գրում է. «20-րդ դարասկզբին Արաբսի հյուսիսում գտնվող ներկայիս Ադրբեջանի վերահսկողության տակ գտնվող տարածքը կամ դրա մի մասը ստացավ անկախություն: Կանխավ որոշված էր, որ այն կոչվելու է «Արևելյան և Հարավային Ասիայի կոմկասյան Հանրապետություն», սակայն «Մուսավաթը» կարողացավ այս որոշումը փոփոխել և երկիրը վերանվանել «Ադրբեջանի Հանրապետություն»: Այս որոշմամբ տեղացի ժողովուրդները, որ մինչ այդ կոչվում էին թյուրքեր կամ կոմկասյան թաթարներ ընդհանուր անուններով, արդեն 30-ական թվականներին դարձան ադրբեջանցիներ: Այսպես ծնվեց ադրբեջանցի «ազգը»³:

Մինչ Ադրբեջանի հայատյաց քաղաքականության սաստկացումը Ադրբեջանը նորանկախ Արցախին փորձեց դեռ չծնված խեղդել արյան մեջ՝ աշխատելով գեներով սեփականացնել հայի պատմությունն ու պատմական տարածքը: Արդյունքը եղավ հայ ազգին պարտադրված պատերազմը: Երևույթը հանգամանալից պարզաբանում է Ա. Մանասյանը. «Չենքի ուժով նորանկախ հանրապետությանը փորձում էր ծնկի բերել, նրա ազգաբնակչությանը ոչնչացնել միջազգային իրավունքի սկզբունքների և ԽՍՀՄ օրենքների խախտումով հռչակված Ադրբեջանական Հանրապետությունը, որը Լեռնային Ղարաբաղի Հանրապետության դեմ սանձազերծած պատերազմում շարունակելով Սուժայիթյան ցեղասպանության ռազմավարությունը՝ վարում էր ապրելու իր իրավունքը պաշտպանող ժողովրդի բնաջնջման քաղաքականություն: Արցախն ընդունեց մարտահրավերը և, ինչպես ցույց տվեցին հետագա իրադարձությունները, պատվով դուրս եկավ փորձությունից»⁴: Հարկ է ընդգծել, որ ադրբեջանական կողմի

¹ Տե՛ս «Աֆորիզմներ մանկության և երեխաների մասին». <http://www.qezhamar.com/?p=34937>, 30.05.2013:

² Տե՛ս **Մանուկյան Ա.**, Ադրբեջանի պետական քյուլչի երեք բառորդը սնվում է նավթային ոլորտից. <http://times.am/?l=am&p=4456>, 05.02.2012:

³ Տե՛ս **Մանասյան Ա., Ղևոնդյան Ա.**, Լեռնային Ղարաբաղ. ինչպես է դա եղել..., Երևան, 2011, էջ 19:

⁴ Տե՛ս նույն տեղում, էջ 5:

այն պնդումները, թե հայերը հաղթանակ ենք տոնել այլազգիների, գրոհայիների ու վարձկանների շնորհիվ, մեղմ ասած, անհեթեթ են, քանի որ ՀՀ և ԼՂԻՄ-ում այնպիսի ծանր սոցիալ-տնտեսական վիճակ էր տիրում, որ չկային կենսական անհրաժեշտության առաջին պարագաների բավարարման միջոցներ, ուստի ակնհայտորեն անհնար էր վարձկանների օգտագործումը: Անտեսել չենք կարող չէին գրոհային Շամիլ Բասաևի խոսքերը. «Արցախում (Ղարաբաղում) կռվելը նպատակահարմար չէ, ադրբեջանցիները չեն կարող, հայերին չեն հաղթի: Մենք եկել էինք կռվելու Ղարաբաղում ոչ թե տիրոջների համար, այլ ջիհադի գաղափարի, բայց երբ հասանք և տեսանք իրավիճակը, մենք հասկացանք, որ ջիհադի ոչ մի նշույլ չկար: Ադրբեջանական բանակում շատ քիչ էին բարձրաստիճան սպաները, ում կարելի էր վստահել: Հայերը պատերազմին ավելի լավ էին պատրաստված... Տվեք ինձ քսան հայ ֆիդայի, և ես կնվաճեմ ողջ Ռուսաստանը»¹:

Ինքնուրույն կերտման կամ նրա բնույթի փոփոխման հարցում Եական դեր են կատարում անուն-անվանումները, որի մասին Հ. Պետրոսյանը գրում է. «...անվանել նշանակում է ստեղծել»²: Վերոնշյալ երկու մեջբերումների արդյունքում կարող ենք նշել, որ, անվանվելով Ադրբեջան, իրենք «ստեղծեցին» Ադրբեջան ու ադրբեջանցի, սակայն դա առնվազն ծիծաղելի է: Այլ խոսքով ասած, ըրպեների ընթացքում անվանելու միջոցով ազգ, այն է՝ նրա դարավոր մշակույթ, պատմություն ու ինքնություն չեն ստեղծում: Իսկ ինքնության ճգնաժամը հաղթահարելու համար սկսեցին օգտագործել հնարավոր և անհնարին բոլոր միջոցները: «Ադրբեջանցու» ինքնության ճգնաժամի հաղթահարման ճանապարհին նրանց վարած քաղաքականության մեջ կարող ենք առանձնացնել երկու հիմնական մեթոդ.

1. *Վեհանալ նվաստացնելու միջոցով*: Այս մեթոդն ամենատարածվածն է մերօրյա Ադրբեջանում, քանզի նրանք, փորձելով ցույց տալ սեփական ազգի բարեպաշտությունը, օրինակելիությունը, մնացյալ ազգերի համեմատությամբ որակապես գերադրական աստիճանին գտնվելը և հնարավոր բոլոր դրական հատկանիշները, որ կարելի է վերագրել իրենց, ցանկանում են մեծացնել հայերի նկատմամբ իրենց կարծիքով ունեցած «որակական առավելությունը»՝ վատաբանելով, նվաստացնելով և խեղաթուրելով հայի ինքնությունը:
2. *Միևուտիդային քաղաքականություն կամ պրպտումներ անցյալի քառուղիներում*: Այս մեթոդի օգնությամբ նրանք գտնում են պատմության մեջ որևէ դրական երևույթ, որ չունի միանշանակորեն հաստատագրված տեր, ապա փորձում են յուրացնել և ներկայացնել որպես իրենցը, անհաջողության մատնվելու դեպքում էլ հոգ չէ, քանզի, մեծ հաշվով, ոչինչ չեն կորցնում:

Հարկ համարելով ազգային ինքնության քննության շրջանակում կարևորել Էպոսը, որպես տվյալ ժողովրդի աշխարհընկալման ու արժեքային համակարգի լավագույն «հանրագիտարան», պետք է փաստել, որ, հիմնվելով թեկուզ միայն տրամաբանության վրա, ադրբեջանցի կոչվող ժողովուրդը պարզապես չունի Էպոս, սակայն, չանտեսելով նրանց թուրքական ցեղ լինելու հանգամանքը, Թուրքիայի հանդես գալը որպես Ադրբեջանի «ավագ եղբայր», թուրքական երկու ժողովրդի ու պետության վերաբերյալ իրենց իսկ պնդումները և մի շարք այլ փաստեր՝ օղուզական Էպոսի³ մոտեցումները կարող ենք որոշ մասով վերագրել նաև ներկայիս ադրբեջանաբնակների

¹ Տե՛ն **Թորոսյան Դ.**, Շամիլ Բասաևը հայերի և Արցախի մասին, <http://azatatenchhayer.blogspot.com/2014/01/Shamil-Basaevy-hayeri-ev-Arcaxi-masin.html>, 26.01.2014:

² Տե՛ն **Պետրոսյան Հ.**, Հայ ինքնության ավանդական խորհրդանշանները և դրանց մերօրյա դրսևորումները. տապանակիր լեռը և կորուսյալ դրախտը, «Հայկական ինքնության խնդիրները 21-րդ դարում. գիտաժողովի կյուլթեր», Երևան, 2013, էջ 132:

³ Մասնագիտական գրականության մեջ առավել հայտնի է որպես «Թորքուլի գիրք»՝ «Դեդա Թորքուտ» կամ «Книга моего деда Коркута» անվանումներով:

նախնիներին, որտեղ, ինչպես կտեսնենք, ինքնության կերտման հիմնարար սկզբունքներն են գլուխներ կտրելը, արյուն հեղելը, մարդ սպանելը և այլն: Այս մասին պրոֆեսոր Յ. Միրզոյանը գրում է. «Գաղտնիք չէ և այն, որ բոլոր էպոսներում տեղի են ունենում և՛ մարդասպանություն, և՛ արյան հեղում, բայց այդ ամենն արվում կամ ցուցադրվում է ռազմի դաշտում հարկադիր ուժերի անմիջական բախման ընթացքում: Մյուս բոլոր էպոսների նման օղուզական էպոսը նույնպես հարուստ է այդօրինակ իրողություններով: Սակայն մյուս բոլոր էպոսներից տարբերվում է հատկապես այն բանով, որ նրանում մարդկանց գլուխ կտրելն ու արյուն հեղելը կատարվում են ոչ միայն ռազմի դաշտում թշնամիների հետ բախման ընթացքում, այլև սովորական կենցաղային պայմաններում, այսինքն՝ մարդկանց գլուխ կտրելն ու արյուն հոսեցնելը դիտվում են որպես տղա երեխայի հասունացման ու առնականացման չափանիշ, իսկ հասուն տղամարդու համար՝ քաջության, պատվի ու արժանապատվության պայման»¹: Յ. Միրզոյանի այս հոդվածի հրապարակումից հետո Ադրբեջանում բարձրացած աղմուկի վերաբերյալ տեղին է մեջբերել հայկական ժողովրդական ասացվածքը. «Գողն առաջինն է գոռում՝ բռնե՛ք գողին»: Բոլորիս են հայտնի հայկական էպոսում՝ «Սասնա ծռեր»-ում, տղայի՝ տղամարդ դառնալու, մարդկային արժանապատվության, փառքի ու պատվի ձեռքբերման և պահպանման միջոցները, ինչպես նաև մարդ սպանելու կամ արյուն թափելու իրավիճակները, պայմանները և պատճառները: Փայլուն օրինակ և ադրբեջանական իրականության ու էպոսի հակադրություն են (դրական իմաստով) Հայաստանի կրթական համակարգում ուսուցանվող թեմաները և դրանց բնույթը: Բնականաբար, «Սասնա ծռեր» էպոսից որոշ հատվածներ գետեղված են տարրական և միջին դասարանների գրականության մեջ, մասնավորապես՝ 6-րդ դասարանի «Գրականություն» առարկայի դասագրքում, որտեղ մեջբերված հատվածում ասվում է.

*Ով քնած է, արթո՛ն կացեք,
Ով արթուն է, ձիե՛ր թամբեք,
Ով թամբեր է, զենքե՛ր կապեք,
Ով կապեր է, էլե՛ք, հեծե՛ք,
Չ'ասեք՝ Դավիթ գող-գող էկավ, գող-գող զնաջ՞:*

Այստեղ հատկանշական է մի հանգամանք՝ վերը նշված «ով քնած է, արթո՛ն կացեք»-ն առավել քան դիպուկ պատասխանն է քնած հայ սպա Գուրգեն Մարգարյանին կացնահարած Ռամիլ Սաֆարովի արարքին³: Մեր էպոսի մի շարք այլ հատվածներում էլ ի ցույց են դրվում հայերի արժեքային համակարգի ու ինքնության բազմաթիվ կողմեր, որոնցից առավել ընդգծված են մեծի նկատմամբ հարգանքն ու խաղաղ բնակչությանը, եթե, իհարկե, կարելի է նրանց կոչել խաղաղ, չկոտորելու միտումը: Լսելով Մելիքի բանակում գտնվող ծերունու հորդոր-խնդրանքը՝ Դավիթը չի սպանում հասարակ գյուղացիներին, ովքեր զոռով բերվել էին կռիվ, այլ շարունակում է կռիվը Մելիքի հետ⁴: Գյուղացիներին չկոտորելուն էլ հակադրվում են եռակողմ հրադադարի ռեժիմի համաձայնագրի՝ ադրբեջանական կողմից պարբերաբար խախտումները, որոնց արդյունքում հակառակորդը կրակ է բացում սահմանամերձ շրջանի գյուղերի խաղաղ, անզեն ու անպաշտպան բնակիչների վրա, իսկ դրա վառ վկայությունն են

¹ Միրզոյան Յ., էպոսը որպես տվյալ ժողովրդի ինքնության ուսումնասիրության աղբյուր (օղուզական էպոսի օրինակով), «Հայոց ինքնության հարցեր» գիտական հոդվածների ժողովածու, Երևան, 2012, էջ 28:

² Մնացականյան Լ., Ներսիսյան Վ., Գրականություն, դասագիրք հանրակրթական դպրոցի VI դասարանի համար, Երևան, 2001, էջ 25:

³ Տե՛ս Տեր-Սահակյան Վ., Բուհապետում Գուրգեն Մարգարյանի գազանային սպանությունից 10 տարի է անցել, <http://www.panarmenian.net/arm/details/176025/>, 19.02.2014:

⁴ Տե՛ս Մնացականյան Լ., Ներսիսյան Վ., էջ 25-26, 31-32:

հենց վերջերս տեղի ունեցած հարձակումները ԼՂՀ դիրքապահների ուղղությամբ, որոնց հաջորդած օրերին հակառակորդը հրետակոծության էր ենթարկում սահմանամերձ շրջանները¹:

Ինչպես արդեն նշել ենք, ադրբեջանական կողմը նենգափոխում է իրականությունը, հետին թվով խմբագրում սեփական պատմությունն ու հայոց էպոսը, նենգափոխում և համատեքստից դուրս մեկնաբանում աշխարհահռչակ բանաստեղծ Ալ. Պուշկինի հետևյալ խոսքերը. «Դու վախկոտ ես, դու ստրուկ ես, դու հայ ես» («Ты трус, ты раб, ты армянин»): Այս միտքը շատ է շահարկվել անգամ ԽՍՀՄ կործանման հետ կապված հանրահավաքներում, պաստառների վրա, գրքերում, մամուլում տեղեկատվական հնարավոր բոլոր միջոցներով: Մեջբերումը բազմիցս վերլուծվել և լուսաբանվել է, սակայն ադրբեջանական տարբեր աղբյուրներում ակնհայտ է թյուրըմբռնվածությունն ու կողմնակալությունը: Առավել պարզ ու կոնկրետ ներկայացնենք վիճակն ու համատեքստը: Տազիտը չէ՛ն պատանի էր, ում դաստիարակությունը հայրը վստահել էր մի չերթեզի (ըստ պոեմի սևագրերից մեկի՝ քրիստոնյայի): «Դու վախկոտ ես, դու ստրուկ ես, դու հայ ես» խոսքերով էր Տազիտից հրաժարվել ավագակաբարո հայրը, երբ որդին, ըստ նրա, չէ՛նին անվայել երեք մեղք էր գործել: Տազիտը չէր սպանել ու կողոպտել ճամփորդ անպաշտպան հային, չէր բռնել ու օղապարանը վզին հոր մոտ տարել իրենցից փախած ստրուկին և, ամենակարևորը՝ միայնակ, վիրավոր ու անզեն ոտխից եղբոր արյան վրեժը չէր առել: Այդ պատճառով կատաղած հայրը որդուն վախկոտ էր համարել, որովհետև, ըստ նրա, միայն վախկոտը չի սպանի ու կողոպտի անպաշտպան մարդուն, ստրուկ, քանզի լոկ ստրուկն է ունակ գնահատել իր նմանի ազատությունը, և, վերջապես՝ հայ, որովհետև միայն հայն իրեն թույլ չի տա վրեժ լուծել վիրավոր ու անզեն ոտխից: Այսպիսով, Ալ. Պուշկինը ոչ թե վատաբանել ու նվաստացրել է հայերին, այլ ի լուր աշխարհի բացահայտել է հայի ինքնության եզակիությունն ու դրական կողմերից մի քանիսը:

Առավել քան ակնհայտ է դառնում հայերի նկատմամբ անբարյացակամ վերաբերմունքը բոլոր ոլորտներում, ինչպես նաև նման քաղաքականության թիկունքում պետական ապարատի կանգնած լինելու հանգամանքը: Ակնհայտ է, որ ապագա սերունդը ՀՀ-ում չի դաստիարակվում այլատյացության գաղափարախոսությամբ և թշնամանքի մթնոլորտում: Ասվածը առավել քան հաստատվեց, երբ քնած հայ սպային կացնահարած մարդասպանին Հունգարիայի դեկավարությունն արտահանձնեց Ադրբեջանին, որի պատճառով էլ Հայաստանում սկսված բողոքի ակցիաների ժամանակ, երբ այրում էին Հունգարիայի պետական դրոշը, ՀՀ նախագահ Սերժ Սարգսյանը դիմեց ժողովրդին կոչով՝ չայրելու պետական դրոշը²:

Ի վերջո, մեծ հաշվով, ներկայիս սանձարձակությունը կարելի է համարել միայն որպես սկիզբ, քանզի հակահայկական լոբբինգը գնալով ավելի մեծ թափ է հավաքում: Ուստի պետք է օր առաջ պատրաստվել հակահարված տալու այս նենգ քաղաքականությանն ու այս անգամ վերջին և կործանարար հարվածը³ հասցնել լոկ փաստաթղթերով, հիմնական մասն էլ՝ շինծու, պետությանը...

¹ Տե՛ս **Ղազարյան Լ.**, ՀՐԱՏԱԳ. Չինարին ու Մովսեսը գնդակոծվում են.մարդիկ տան խորքերում են պահվում, http://henaran.am/news_view.php?post_id=34981, 23.01.2014:

² Տե՛ս «Սերժ Սարգսյանը հորդորում է չայրել Հունգարիայի դրոշը», <http://news.am/arm/news/119601.html>, 04.09.2012:

³ Տե՛ս «Հարվածը կլինի կործանարար և վերջինը», <http://www.aravot.am/2010/11/16/344970/>, 16.11.2010:

ՀԱՅԱՏՅԱՅՈՒԹՅՈՒՆԸ ԱՂԻՐԵՋԱՆՈՒՄ

Բանալի բառեր՝ հայատյացություն, պատերազմ, ԼՂԻՄ, ՀՀ, Աղրբեջան

Հողվածը ներկայացնում է Աղրբեջանում հայատյացության հիմնական դրսևորումները, դրա պետական հիմքերի ցուցիչներից որոշների ուրվագծումը: Ներկայացվում են հայատյացության քարոզման մեթոդ-մեխանիզմները, ինչպես նաև ցույց է տրվում մերկապարանոց հայտարարությունների չհիմնավորվածությունը: Մի շարք երևույթներ ներկայացվում են նոր մոտեցմամբ, որոնց տրվում են դիպուկ, անկաշկանդ և չկաղապարված գնահատականներ: Հողվածում ներկայացվում են հակահայկական քարոզչության դրսևորումները, ինչպես նաև՝ անընդմեջ կատարելագործվող մեթոդներն ու ուղիները: Հողվածը կարող է օգտակար լինել հայաղրբեջանական հարաբերություններով, հայատյացության դրսևորումներով և առհասարակ այլատյացության հարցերով հետաքրքրվողների համար:

Давид Торосян

АРМЯНОФОБИЯ В АЗЕРБАЙДЖАНЕ

Ключевые слова: армянофобия, ксенофобия, Азербайджан, Армения

Статья посвящена проявлениям армянофобии в Азербайджане, выявлению индикаторов некоторой доли государственного участия в ней. Нами раскрыты методы и механизмы пропаганды армянофобии, а также представлена безосновательность голословных деклараций. В статье подчеркивается постоянство проявлений армянофобии, ее проявления, а также ее направления и методы, которые также постоянно совершенствуются. Статья может быть полезна для тех, кто интересуется и занимается вопросами армяно-азербайджанских отношений, а также общими вопросами армянофобии и ксенофобии.

Davit Torosyan

ARMENOPHOBIA IN AZERBAIJAN

Keywords: armenophobia, xenophobia, Armenia, Azerbaijan

The article is dedicated to manifestations of armenophobia in Azerbaijan and to the outlining some of its state basis points. Propagations of method-mechanisms of armenophobia are illustrated, as well as ungrounded, unsubstantial announcements are shown. A number of phenomena are presented with a new approach, which are assessed accurately and sincerely. Constant phenomenon, manifestations, as well as continuously improving methods and ways are illustrated. The article can be useful for those, who are interested in Armenian-Azerbaijani-Turkish relations, armenophobia and xenophobia in general.